



Universitätsbibliothek Paderborn

Centvriæ Selectorvm Casvvm Conscientiae. I. II. III.tia

Burghaber, Adam

Fribvrgi Brisgoiæ, 1665

5. Anthysa ex bonis mariti defuncti potest absque iniuria creditorum sublegere sibi necessaria ad comperentem sustentaionem, & iurare dein, aliquid se subtraxisse.

urn:nbn:de:hbz:466:1-40942

(sunt quippe duo in carne vna Matth. 19.) ac delinquens etiam moderatè corrigenda, cum acris & digna delicto pœna non ad maritum, sed Iudicē pertineat. Vnde Palao de sponsalib. D. 3. pun. 4. §. 3. verberum Punctionem (nisi grauissima vrgeat causa) mortalem censet, & non immerito, quia ex se vtpote servilis maximè vxorem dedecet; & in aliquorum sententia sufficientem dat divortij causam.

V. Anthusa vxor advertens virum suum plura contrahere debita, quam sit solvendo, post morzem huius inopinatam citò tantum bonorum substrahit, quantum & sibi & liberis ad competenter sustentationem necessarium arbitratur. Vnde suspecta creditoribus coram Iudice iurat, nihil de bonis viri se sublegisse, subintelligendo non necessarium ad honestæ vite sustentationem. Quaritur. An facere hoc licet potuerit?

Videtur non potuisse. Tum quia est fraudem, & contra Ius creditorum in bona re iusta à marito. Tum quia sequeretur, debitores non teneri solvere debita cum aliqua imminutione honestæ sustentationis, quod videtur contra communem. DD.

Resp. Licitè fecisse Anthusam. Ita Cœlestin. in compend. mer. Theolog. Tr. 9. cap. 19. in fine relatus apud Dian. P. 5. Tr. 14. R. 57. Ratio est, tum quia creditores rationabiliter non possunt esse inviti. Tum quia rem alienam iniustè non retinet, & sicut subtrahendo necessaria

cessaria ad sustentationem (et si iniuste à viro essent acquisita) non peccat, ita neque peccat iurando. Tum quia licitum est cuilibet in graui scâ, vel suorum necessitate, aliquid clanculum surripere, quando aliter ea averti non potest, vt docent P. Navarr. L. 3. cap. 1. n. 357. Less. Lugo, alij. Ergò multò magis licitum erit Anthusæ, aliquid non restituere, cùm subtractio illa non tam sit ablatio rei, quam denegatio restitutionis.

Ad primum in contrarium negamus, id esse in fraudem & contra ius creditorum, hec ipso, quod iustè ac rationabiliter fiat. Ad secundum itidem negamus sequelam, cùm hīc non agatur de aliqua solūm imminutione, sed omnimoda amissione honestæ sustentationis, & ex communi doctrina plus liceat ad cavendam istam, quam illam.

VI. Atilius Princeps ob copiam vini in suâ ditione crescentis legem statuit, ne quis vinum ex alia Provincia inferret. Cneus buius gnarus antequam lex illa promulgaretur, aliquot vini plaustra aliunde advexit. Subditi verò eandem legem postea promulgatam absque iusta causa non accipserunt. Quæritur. Verum tam isti, quam ille contra legem egerint?

Videtur, Cneum fecisse contra legem; quia sciuit, eam iam esse statutam: non autem eandem violasse subditos; quia iuxta communem sententiam Canonist. in c. 1 de

B

Treuga